



Uniun dals Grischs

Protocol da la radunanza generela dals 23 avrigl 2016

Zuoz, Crusch Alva, a las 10.00

Preschaint(a)s : in tuot 36 persunas, da quellas 31 cun dret da vuscher e trais rapreschantants da las medias. Preschaint d'eira eir Urs Cadruvi, il secretari da la LR.

S-chüsas: Da la suprastanza Duri Denoth (in vacanzas); Johannes Flury, president da la LR, Jon Domenic Parolini, Regent ed auncha 28 persunas singulas e da cumüns.

Tractandas:

1. Salüd
2. Tscherna dals scrutinaduors
3. Approvaziun dal protocol da la radunanza generela dals 18 avrigl 2015
4. Rapport presidiel 2015
5. Rapport dals collavuratuors LR / Chesin Manella / Chalender Ladin
6. Rendaquint 2015 e rapport da la cumischiun sindicatoria
7. Program da lavur 2016/2017
8. Fixer l'indemnisaziun a la susprastanza
9. Fixer la contribuziun annuela
10. Preventiv 2017
11. Varia

1. La presidenta bivgnainta ils preschaints e prelegia la glista dals s-chüsos.
2. Domenic Signorell e Linard Martinelli vegnan tschernieus scu scrutinaduors.
3. Per granda discussiun ho pissero cha la fatschenda tschernas nu d'eira tractandeda. Aunz ün an vaiva confermo l'anteriura presidenta da l'UdG, Maria Sedlacek, da vulair rester aunch'ün an illa suprastanza da la Lia Rumantscha (LR). Quist an es uossa passo. Però l'elecziun d'üna succesura scu proposta per las tschernas da la LR nu d'eira tractandeda da la suprastanza causa las restructuraziuns previsas tar la LR i'l prossem an. Tenor Maira Sedlacek hegia il nouv president da la LR, Johannes Flury, giavüscho ch'ella resta in suprastanza ed accompagna auncha il process actuel da democratiser la LR. Impustüt la Pro Idioms cun Domenic Toutsch vaiva l'impreschiun cha l'UdG nu vögla üna succesura our dal ravuogl da la Pro Idioms. Adonta d'ün inscunter traunter las duos organisaziuns per pruver da s'aviciner sun gnies fats divers rimprovers in occasiun da la radunanza generela. Düraunt la discussiun haun però pudieu gnir scleridas diversas melincrettas. La suprastanza spera da pudair proseguir cul dialog culla Pro Idioms. Scha la restructuraziun nu vess da gnir fatta a temp ütil po gnir elet ün candidat u üna candidata ad üna radunanza extraordinaria.



In quista discussiun esa gnieu giavüscho da sclarir cu cha suprastant e suppleant paun esser infirmos e preparos bain pellas fatschendas da la LR. A saja eir da ponderer il möd dad eleger ils delegios pella LR ed impustüt il temp d'uffizi.

Il protocol es gnieu approvo cun 13 schi cunter 6 na e 5 abstenziuns.

4. In sieu rapport presidiel ho Annalea Stuppan do ün sguard süllas activiteds da l'an scuors. Ils puncts importants sun stos la festa commemorativa per Bernina von Guaita, diversas ediziuns annuelas Chesa Paterna, Chalender Ladin suot la bachetta cumpetenta dals redactuors Sidonia e Göri Klainguti. Cun que cha'l Dun da Nadal es sainiza redacziun s'haun Aita Dermont-Stupan ed üna magistra cun sia classa missas a disposiziun d'organiser quel. Impü es instradeda la via pel giavüsch d'agiundscher al dicziunari online auncha las conjugaziuns da verbs. La pü granda sfida resta la situaziun finanziaela delicata inua cha la suprastanza stu chatter möds e vias per saner e stabilir il sector da finanzas pel futur.
5. Mario Pult, collavuratur da la LR, ho do ün sguard sün sia lavur. El ho impustüt güdo ad organiser il di d'omagi per Tista Murk ed ho edieu ün cudesch correspundet ch'el ho preschanto in diversas regiuns dal intschess rumauntsch. El organisescha eir divers cuors da rumauntsch fo acziuns in scoula e collavurescha culs Cafès rumauntschs e'ls Multiplicatuors. Il büro da la LR fo müdeda da Zernez a Scuol culla sprauza cha quel vegna visito da dapüssas persunas cu a Zernez. Il center nun ho però pü üngüna butia da cudeschs per nu fer concorrenza al Chantunet da cudeschs e las otras butias chi vendan cudeschs. Eir quist an haun lö divers occurrenz chi vegnan accumpagnedas da Mario Pult. Per rinforzer la collavuraziun in Engiadin'Ota cumainza prosmamaing Martina Shuler-Fluor da Zuoz cun ün pensum da 20 % sia lavur scu collavuratura.

Flurina Plouda, collavuratura da la LR, ho preschanto sia lavur pels iffaunts. Que es impustüt il program KidsFitsa cun istorgias our dal minchadi per iffaunts fin ca. segunda classa. Que do eir üna collavuraziun cullas persunas chi lavuran cun iffaunts.

Tar l'occurrenza Pledpierla sun gniesu inoltros 184 texts. Ils vandscheders sun gniesu onuros in occasiun d'üna festina a Zernez. A vain express il giavüsch cha que füss bun d'organiser inscuters traunter tuot ils iffaunts chi's partecipeschan a quist'occurrenza.

Il chfryxantun promovu posts d'integrasiun ed ho dumando a las regi1uns da collavurer. L'Engiadin'Ota nu s'ho partecipeda. A füss da promover ün tel post eir in Engiadin'Ota.

Maria Dosch ho quinto da las occurrenz chi haun gieu lö l'an scuors. Ella ho preparo ün ordinatur chi preschainta tuot las occurrenz dals ultims ans. Chi chi ho gieu interess ho pudieu guardar l'ordinatur.



Göri Klainguti ho purto il salüd da Sidonia ed ho dit ch'els edeschan uossa per la setevla vouta il Chalender Ladin. El ho infuormo cha que saja l'ultima vouta e cha vöglian der giò la redacziun. A vain deploro fich quist fat i'l ravuogl da la radunanza ed a vain ingrazcho pella grandiusa lavur dals redactuors. L'UdG tschercha acitvamaing successuors pella redacziun dal Chalender Ladin ma eir pel Dun da Nadal.

6. Seraina Fried po preschanter ün rendaquint bainquaunt meglder cu l'an 2014. Cun plaschair s'ho pudieu piglier cogniziun cha la vendita da cudeschs s'ho darcho recreeda ed es congualabla culs ans aunz. In conguel cul 2014 es creschida la vendita per 30 %. Ella ingrazcha a Maria Dosch per sia buna e granda lavur pel Chesin Manella. Tuot las ediziun annuelas faun ün guadagn che chi ho eir da chefer culla decisiun da redür il numer da stampa da las singulas ediziuns. Il rendaquint serra cun ün s-chevd da 19'853.47 francs. A vain giavüscho da druver main raps per commemoraziuns e dapü per sustegns d'iffaunts e creschieus pel rumauntsch. La presidenta infuorma cha las commemoraziuns vegnan organisadas insembel culla LR e cha l'UdG contribuescha fich poch a maun da dumandas da sustegn dals organistuors. Zieva la prelecziun dal rapport da revisiun vegnan approvos unanimamaing il rendaquint 2015 e'l rapport da la cumischiun sindicatoria.
7. Il plan da lavur da l'UdG prevezza eir quist an darcho bgera lavur. Ils chavazzins sun: da tegner in ögl il plan da finanzas, il concept d'ediziuns, la tschercha da redactuors pel Chalender Ladin e'l Dun da Nadal, la collavuraziun culla LR, la Pro Idioms e las vschinaunchas. Our da la radunanza vain giavüscho da reponderer la rapreschantaziun e'l nom da l'UdG. La LR ho decis da sustegner l'UdG cun ün import annuel da 10'000 francs per lavuors chi vegnan fattas impustüt tres il Chesin Manella per la LR.
8. La proposta da lascher l'indemnisaziun a la suprastanza scu fin uossa vain approveda unanimamaing.
9. La contribuziun annuela per commembers singuls da 16 francs (predsch dal Chalender Ladin) e la contribuziun per cumüns da 1.50 francs vain confermeda unanimaing da la radunanza.
10. Seraina Fried preschainta ün preventiv equaliso pel 2017. Las cifras sun gnidas adattedas in generel a quellas da l'an 2015. Il böt da la suprastanza es dad ir activamaing in tschercha da sustegns per ediziuns. Il preventiv es gnida resguardada la contribuziun annuela da 10'000 francs per lavuors chi vegnan fattas per la LR. Il preventiv vain approvo unanimamaing.
11. Baldina Cantieni ho preschanto la Chesa Paterna¹³⁴. Que es ün'antologia dal Chardun dal 1971 fin 2015. Ella ho infurmo davart l'istorgia dal Chardun e cu



cha que es gnieu a da quella d'edir la Chesa Paterna. Sùlla pagina d'internet dal Chardun ho que bgeras contribuziuns auditivas.

Chatrigna Urech ho infurmo davart il teater da la Scoula da Samedan chi'd es gnieu preparo in rumauntsch dals scolars e la magistra da la secundara. Que demuossa cha'l rumauntsch es aunch'adüna preschaint eir in Engiadin'Ota. Linard Martinelli ho purto ils salüds da la CGL ed ho infurmo davart divers progets.

Zievamezdi ho gieu lö üna discussiun avierta cul tema: La restructuraziun democratica da la Lia Rumauntscha. Maria Sedlacek ho preschanto 10 tesas chi dessan gnir discutedas a la dieta da la LR als 11 gün a Cuira. Maria Sedlacek ho giavüscho cha tuots as fetschan impissamaints e cha bgers fetschan part a la dieta a Cuira.

Pel protocol
Actuara ad interim

Angela Jann